

Cum Ate  
facij des-  
cenderunt  
in heron-  
thrum.

dum lacu: & quos Jupiter expulit, Pluton  
lubenter in propria munia atque ministeria  
admisit. Virgil. 12. *Aeneid.* à v. 846. Ut po-  
tè Furias, & pepulit, & odivit Jupiter,

Virgil. *Paribusque revinxit*  
*Serpentum spiris, ventosaque addidit alas.*  
*Ha Jovis ad solium, serique in limine Regis*  
*Apparent, acuumque metum mortalibus agris;*  
*Si quando lethum horrificum, morbosque*  
*Deum Rex*

Molitur, meritas aut bello territat urbes.  
Etsi de Lucifero fabula, ab Anonymo in  
Observation. ad *Mytholog.* Natal. Comit. cap.  
4. sumitur pro Eva, uxore Adam (quæ  
adinstar Junonis virum seduxit, & fuit origo  
malorum, ex cujus curiositate, tanquam  
è pyxide Pandoræ, exierunt mala in mun-  
dum, quæ pridem in hominum felicitatem,  
reclusa erant. Hesiod. 1. de *Dieb. & operib.*  
& in *Theogon.* accinit:

Hesiod. *Prius vixere homines, verum absque*  
*dolore,*  
*Absque malis, morboque gravi, tristisque se-*  
*necta:*  
*At mulier raptò de poclo regmine, sparsit*  
*Omne mali genus, & morbos, curasque mo-*  
*lestas.*

Idem Cyrill. lib. 3. *Contra Julian.* in prin-  
cip. Hygin. lib. 2. n. 16. *Palephat.* lib. 1. n.  
35. Claud. *Minos* in *Emblem.* 44. Alciat. &  
Horat. 1. *Carm.* Od. 3. v. 30. *Alia Ifagog.*  
*Jul.* n. 27.

22 Hac etiam die inter Ægypti hiero-  
phantas & sacrorum Mystas puerperium ce-  
lebrabatur Isis, in æquinoctio verno; eò  
quod Horus & Harpocrates nati in Solstio  
brumali. Plutarch. de *Iside & Osirid.*  
Nos 25. *Decembr.* n. 25. *Dicta mater Hori,*  
id est, splendoris; & *Harpocratis,* hoc est, si-  
lentij. *Causam excogitat sed temerè Jacob.*  
*Bolduc,* 2. de *oggi Christian.* c. 15. astruens  
Isidem apud Ægyptios, non fuisse foeminam,  
sed sub hujus nomine Sapientiam doctrinamque  
priscam à primis post diluvium Pa-  
tribus, antequàm ab Ægyptijs fabulis enor-  
miter corrumperetur; cum prius ut Numen  
pulchritudinis summà majestatis commen-  
datione per orbem universum à cunctis coleretur,  
tot nominibus insignita, quot scientiæ  
facultatibus ornata: unde dicta *Minerva,*  
*Diana, Proserpina, Urania,* &c. equidem  
mystico nomine gratias ac Veneres cunctarum  
Dearum continebat. Hoccine supposito  
cogitamine (cui non suffragor, quoniam  
voluntarium ratiocinium, & ludicrum; si-  
cut quod etiam ibidem à cap. 16. affirmat,  
apud Græcos vocari Jonen, Inachi, seu Pro-  
methei filiam, quam in Ægypto celebratam

Isidem; de quo Ovid. 1. *Metamorphos.* à fa-  
bul. 11. Natal. Comes, ibid. & 8. *Mytholog.*  
cap. 19. Gyrard. *Syntagm.* 12. n. 55. & 13.  
n. 51. Hygin. *fabul.* 145.) exponi valet sen-  
su aptiore, quo Isis titulo signetur Hori ge-  
nitrix & Harpocratis. Inter Ægyptios erat  
communis sapientia, & etiam apud Sacer-  
dotes occulta, diversis figuris hieroglyphicis,  
quas nisi inter professores nefas inter-  
pretari: quapropter Isis quia Sapientia erat  
mater Splendoris: sed quia inter mystas oc-  
cultas; mater etiam Harpocratis, per quem  
signabatur silentium, ore digito clauso;  
ut sæpe videbimus ex Pier. Valer. Alexandr.  
Neapolit. & Kircher. in *Obelisc. Pamphil.* &  
*Oedip. Ægyptiac.*

DIES XXIII. MARTIJ.

1 **G** Rad. 3. Arietis, cum pluvia, &  
interdum tonat. Est Equinoctium.  
Columel. & Ptol. Leonis simulacrum manè  
occulatur. Novid. K. P. Spica Virginis ma-  
nè occidit. Junctin. K. Astrolog. Cauda Scorpij  
occidit manè. Alfeld. *Uranom.* Sub hac  
Arietis parte qui nati, juxta Maternum,  
surdus, monoculi & stolidi fatuitatis fu-  
rore correpti erunt. *Vir dextrâ ostendens man-*  
*di varietatem, sinistrâ zona depictâ adpositâ.*  
Sphær. Arab. *Signat virum dilectorem pacis.* R.  
Avenar.

2 Dies sexta Orbis, in quo terram ju-  
mentis, reptilibus & ceteris bestijs, de hu-  
mo formatis, speciosè decoravit Conditor.  
Hominem eodem hoc die condidit. Rabb.  
Abraham. Mihi cum multis supremæ aucto-  
ritatis placet, d. 20. fuisse orbis principium.  
Fuit decretum Concilij Palæstini sub Victo-  
re Papa, quod citat Beda de *Equinoct. ver-*  
*nal.* Adrich. Ann. 1. *Mundi,* Alap. in *Genes.*  
1. 12. Perer. Bonfr. Leonard. Mar. & Suar.  
de *Oper. sex dieb.* & in 3. p. D. Th. quæst. 35.  
Plasmatum hominem in Agro Damasceno  
apud Hebron (de quo Adrich. in *Juda,* n.  
145.) transtulit in paradysum, hortum amœ-  
nissimum, in cujus medio erat arbor vitæ  
& arbor scientiæ boni & mali, aliæ variæ ar-  
bores, herbæ & flores odori multiplices:  
ibidemque fons scærens, ex quo quatuor no-  
bilia flumina, post egressum ab horto in  
terram absorpta, & alibi ut universum irri-  
gent, emergentia. In paradiso collocatus  
Adamus, Hebraicè nomina indidit cunctis  
animantibus, jussu Dei ad illum adductis:  
eodemque die condidit Evam. Reliqua d.  
25. Quæ facta à Deo post expulsionem Ada-  
mi de Paradiso in extremo hujus diei, dixi-  
mus,

Quare ho-  
rum dicta  
mater?

X. K.

Adam con-  
ditur.

Transfer-  
tur in pa-  
radysum.

Quis  
horum?

mus, die 14. n. 10. ex Gasarell. Vid. Abul.  
in *Numer.* 22. quæst. 10. Addit Alapid. hic  
v. 3. à Rabbini etiam fictum forcipum for-  
mam descendisse de coelo: aliàs haud po-  
tuisset ab homine excogitari. Cor eorum  
vanum est.

3 Videnda vanissima. Die 6. quo for-  
matus est Adamus, educata in conjugem Eva;  
sed Talmudistæ ante illam, quæ producta ex  
ejus costa; aliam è limo terræ formatam,  
nomine *Lilith*, Latine *Lilis*, habuisse per  
130. ann. blaterant: & toto illo tempore  
ex ea genuisse Demones. Elias in *Tisbi*, sub-  
dit: *Nostri sapientes dicunt, quod Noamath,*  
*seor TubalKain fuerit, ex qua Demones nati.*  
Verùm cum suis contradicere videretur,  
altius commentus anilem fabulam, qua  
pueri paverent. Ita enim infit loc. cit. R.  
*Salomon dicit Lilith esse nomen Dæmonis.* Inve-  
nitur porò scriptum, quod in 120. annis, qui-  
bus Adam continuit se ab uxore sua Eva, ve-  
nerint ad eum Demones (ergo jam erant)  
& conceperint ab eo; sicque genuerint demones &  
*Lamias & Lemures.* Alio in loco inveni quatuor  
esse matres dæmonum, *Lilith, Noamath, Oge-*  
*reth & Machalath.* Hæc *Lilith* dicitur *Lamia,*  
& *Strix*, de ejus malignitate in infantes di-  
cemus, 9. *Majj.* In defensionem præstigia-  
rum *Lilith*, inter Hebræos plures supersti-  
tiones. Paraphrasi Chaldaic. in illud *Can-*  
*tic.* 8. 3. *Lava ejus sub capite meo, & dextera*  
*&c.* legitur: *Dixit cæcus Israel: Ego electa sum*  
*supra omnes populos; quia alligo frontalia manui*  
*sinistræ meæ & capiti: chartulaque infixæ est late-*  
*ri dextro portæ meæ & cujus terra pars respicit tha-*  
*lamum, ut non habeant licentiam demones ad nocen-*  
*dum mihi.* Alia 26. *Augusti.* n. 9. & 30. in na-  
tali *Nephtes.*

4 Proccedit Abraham in terram visio-  
nis cum duobus servis & filio immolando,  
celans uxorem tam propriam sententiam,  
quàm Dei mandatum. Joseph. 1. *Antiquit.*  
cap. 14. In via occurrit dæmon, nomine *Sa-*  
*mael,* qui Evam tentavit, inhibere inten-  
dens obedientiam Isaaci erga patrem, &  
Abraham erga Deum. Ad d. 25. n. 5. Secunda  
circuitio Jericho à toto Israël: ficque dieb.  
seq. usque in 28. vid. pridè n. 3. Ab hoc ar-  
ticulo ann. 105. cum fato functus esset Isaac,  
ut vidimus, die 19. n. 1. Esau secessit ab  
Hebron (relictâ Jacob) cum omni domo sua  
in Scir. *Genes.* 36. 6. Joseph. 2. *Antiq.* cap. 1.  
& *Comest.* hic cap. 85. Jam enim recesserat  
vivente patre, sed advenerat proximâ mor-  
te. *Tornieil.* ann. 2317. n. 2.

5 Oppugnatur Samaria ann. 14. ab V. C.  
à Salmanasar, successore Teglath-Phalasar,  
*Tom. 1. Ephemer.*

Lilith

Noamath

Abraham  
tenetur à  
diabulo.

Esau rece-  
dit à Jacob.

Exilium  
10. Tri-  
buum.

sub tempore Osee Regis Israël, qui direpris  
cunctis, decem Tribus transtulit ultra mon-  
tes Caspios, vel in Mediam, ut alijs placet  
cum Osee Rege; post 857. ann. ex quo Ma-  
jores eorum Ægyptum egressi, armis & au-  
xilio Dei Chanagos debellarunt. Joseph. 9.  
*Antiq.* cap. 14. & Adrich. Ann. 3227. Reucl.  
ex 4. Reg. 17. 18. ubi: *Non remansit, nisi tri-*  
*bus Juda tantummodo.* Accidit vastatio anno  
4. Ezechiae Regis Juda: tuncque capti-  
vus in Ninivem adducitur Tobias cum  
uxore & filio. Ultra non redierunt in pa-  
triam 10. Tribus, vel soluta captivitate  
Babylonica. *Dug tantum Tribus* (infir Joseph.  
d. 11. cap. 5.) *per Asiam & Europam sub Ro-*  
*mano degunt imperio: decem autem tribus nunc*  
*quoque ultra Euphratem sunt infinita hominum*  
*millia. Unde reliqua Israelitarum multitudo assue-*  
*tum jam domicilium noluit relinquere.* Ex his  
Antichristus, ut astruit Maluend. lib. 3. à  
cap. 5. *Per Septentrionem sparsi* (ait Briet. ann.  
3314.) *& effusi in Indias, in Americam quo-*  
*que penetrarunt, si vera sunt Hebræa, qua jactan-*  
*tur in his regionibus monumenta. Huc quoque Ju-*  
*dithe ortum referas ex maxime probabili senten-*  
*tia. Salmanasar, ne deserta fieret terra Is-*  
*raël, in illam transtulit Cuthæos & Babylo-*  
*nios.* 4. Reg. 17. 24. Tobias Regi gratus ab  
illo fit dispensator Regius. Text. Græc. *Tob.*  
1. 14. *Maluend. Agorasites;* de quo munere  
*Jul. Poll. lib. 3. cap. 25.* Id est, Opsonator, vel  
præfectus annonæ Regiæ (Dedicatio templi  
secundi, seu Zorobabel, hodie signatur à  
Petro Comestore, in *Judith.* cap. 3. Fallitur:  
vid. 3. *Februar.* à n. 1.) Interim Osee cum  
ignominia jacebat vincus in carcere in Me-  
dia cum reliquis captivis, qui secum addu-  
xerunt vitulos aureos, prout somniant Rab-  
bini. Juxta Genebr. Ann. 3440. A Phul ve-  
xatus est Israël, à Teglath-Phalasar tractæ  
in exilium tribus Ruben, Gad & dimidia  
Manasse cum Vitulo aureo, qui in Dan. A  
Salmanasar, Aser, Isachar, Zabulon & Ne-  
ptali, reliquas vectigales faciens, & secum  
ferens Vitulum è Berhel: deinde rebellante  
Osea, Ephraim, & altera dimidia Manasse  
cum Rege. Videtis, *Tom. 7. T. 9. à num. 3-*  
*22. Majj,* n. 3. & 5. *Septembris.* n. 4. & trans-  
migrationem per Teglath-Phalasar; 11. *Aug-*  
*ust.* n. 3. Hac in die signantur à Septuaginta  
scriptæ & obsignatæ litteræ abolutoriæ  
cædis Hebræorum, ab Assuero decretæ; de  
quibus 23. *Majj,* n. 7. ubi dicemus. Vide  
*Serar. quæst.* 29.

6 Hominis 38. annis apud Piscinam de-  
cumbentis erectio à Christo Domino, Pa-  
schate 3. & ejus iter in Bethaniam proximis  
Yyy mor-

Captivitas  
Tobias.

Judith na-  
scitur.

Cuthæi in  
Judæa.  
Tobias ho-  
noratur à  
Salmanasar

Dedicatio  
templi, 2.

Transsi-  
grationes  
tribus  
& vitulo-  
rum, quo  
ordine &  
tempore.

Rescinditur  
in Judæos  
decretu cæ-  
des.

Christi ga-  
stia.